



Le La Val mostra na gran reaziun tla secunda pert dla partida y oj le resultat davagn i prüms trëi punc dla sajun te ciasa.

Sön le calënder dl'ultim fin dl'edema él i aversars dl Falzes, scuadra tomada jö dala 2 categoria la sajun denant.

I ghesc mostra da atira na gran determinaziun. La presciun cuntra la defenjiun ladinia é grana y i padruns de ciasa se stënta a costruì le jüch. Al 25<sup>th</sup> perd le mezciamp n palé püch fora dal'area, l'atacant dl Falzes mosöra a dovëi y tira sëch a giré sot l'incruijada de porta. Sepl pro de abiné le curan mo ne n'á baldi degüna possibilité.

Le La Val davagna ince val ocajiun dan porta, mo ne é indî nia prigorus.

Les döes formaziuns va te cabina a palsé do i prüms carantecinch menüt cun le Falzes in vantaje por 1 a 0. Les parores dl alenadú y val mudaziun ala formaziun á dessigü contribuì ala reaziun di sogadús tla secunda pert.

Ti prüms menüç é ciamó le Falzes che cumana le jüch, la defenjiun ladina laora cun determinaziun por desfanté l'attach aversar. Parüda fej ince Luca Pescollerung, che é indo gnü zeruch sön le ciamp da jüch do bëgn du agn de palsa. Al 60<sup>^</sup> se oj spo daldüt la partida. Le presciun aversara da dô y i padruns de ciasa mët man de abiné i palés y a costruï de beles aziuns de jüch. Al 75<sup>^</sup> gareta na combinaziun sön trata de puniziun por La Val, Stefan röia sön le ciantun y crossëia amez, Franz röia a dërt post y stachëia alt de ce por rebat le curan te porta. Avalié le resultat ó dí nöia forza y grinta lapró. Insciö era ince jüda, al 86<sup>^</sup> él Alex E. che abina le palé y crossëia amez daulache Felix tira al jore dlungia le pé de porta it. La ligrëza é grana, sides por le vantaje y sides por la bela reaziun de grup che mancia da zacotan de partides. Ma inant inscio!

## La Val – Falzes 2-1

**Formaziun La Val:** 1. Sepl Kantioler, 2. Thomas Ploner (dal 73<sup>^</sup> Alan Erlacher), 3. Alex Ploner, 4. Paolo Vallazza, 5. Luca Pescollerung, 6. Philip Moling (dal 46<sup>^</sup> Alex Miribung), 7. Christian Terza , 8. Stefan Sottara – capitán, 9. Alex Elzenbaumer, 10. Franz Tolpeit, 11. Mattia Mutschlechner (dal 62<sup>^</sup> Felix Nagler)

**Goi por La Val:** Franz Tolpeit al 75<sup>^</sup>, Felix Nagler al 86<sup>^</sup>

**Proscima partida:** In duman sabeda dales 15:30 a Stegen cuntra le Dietenheim

**Atri resultac de chësc fin dl'edema:**

Aliefs (Val Badia): Schabs – Val Badia 2-2

Jogn B (Mareo/La Val): Mareo – Reichach 5-3

U-12: La Val – Alta Badia 1-1

U-10: La Val – San löré 3-1